

舊

譯

大方廣佛華嚴經卷第十九

一百六
朝七

大方廣佛華嚴經卷第十九

朝

東晉天竺三藏佛陀羅等譯

十迴向品第二十二之五

菩薩摩訶薩見有來乞支節諸骨如法藏菩
薩夜光菩薩如是等無量菩薩摩訶薩施支
節骨見來求者生大歡喜心明淨心寂靜心
慈心安樂心無所著心清淨心於來乞者生
滿願心菩薩摩訶薩以施支節所攝善根迴
向衆生令一切衆生得如化身永離世間骨
血肉身令一切衆生得金剛力身無能壞者
無能勝者令一切衆生得薩婆若力具足法

身從無縛無著法界出生令一切衆生得智
力身諸根堅固不可斷壞令一切衆生得法
力身智力自在到於彼岸令一切衆生得堅
固身不可壞散令一切衆生得隨應化身善
能調伏成就衆生令一切衆生得智熏身具
那羅延支節莊嚴令一切衆生得堅固流注
不斷絕身究竟永離一切疲倦令一切衆生
得安住力身悉皆具足勇猛精進令一切衆
生得淨法身悉能分別一切衆生入於無量
智身境界令一切衆生得功德力身除滅衆
惡見者不虛令一切衆生得無礙身皆悉究
竟無染著智令一切衆生得佛所攝身常為

一切佛所守護今一切衆生得普饒益衆生
之身悉能遍入一切諸道今一切衆生得圓
應身十方衆生悉見其面無背佛法清淨照
明常現在前今一切衆生得具足精進身修
習究竟大乘智慧今一切衆生捨離我慢自
大放逸之身得清淨身智慧安住不可傾動今
一切衆生得堅持戒身成就大乘一切智業
今一切衆生得生佛家身永離世間生死穢
身是爲菩薩摩訶薩施支節諸骨善根迴向
今一切衆生皆悉清淨得薩婆若菩薩摩訶
薩見有人來手執利刀乞厚薄皮以愛眼視
觀歡喜恭敬爲敷坐處即作是念福田難遇

而令自來滿我本願決定究竟一切種智作
如是言取我身皮隨汝意用如清淨藏菩薩
金剛脇鹿王菩薩如是等無量菩薩摩訶薩
布施乞人厚薄皮時如是迴向以此善根令
一切衆生得如來薄皮相金色清淨令一切
衆生得金剛堅固不壞薄皮令一切衆生得
金色皮如閻浮檀金藏令一切衆生得無量
色皮隨應現色悉令清淨令一切衆生得明
淨皮不受塵垢如樂沙門如來淨色令一切
衆生得第一色皮自然清淨令一切衆生逮
得如來清淨色皮微妙相好而自莊嚴令一
切衆生得明淨皮放木光明普覆一切令

朝 蓮 九 卷

魚 宗

切衆生得明網皮無量光明圓滿具足普衆
世間今一切衆生得潤澤皮衆色清淨是爲
菩薩摩訶薩布施自身厚薄皮時善根迴向
今一切衆生逮得無上最勝菩提皆悉具足
如來功德菩薩摩訶薩見有人來乞手足指
如堅固精進菩薩閻浮提自在王金光菩薩
等無量菩薩摩訶薩施手足指時心大歡喜
顏色無異乘大乘施不求五欲施不求名聞
施建立檀波羅蜜施大施心施離慳妬施離
嫉妬施隨順佛施以是施手足指所攝善根
迴向衆生今一切衆生得佛長指相今一切
衆生得指蜜相圓臍纖直今一切衆生得

銅甲相筒蜜清淨令一切衆生得大人指
悉能攝持一切諸法令一切衆生得具足隨
好十力相指令一切衆生得大人指相纖臍
緊密令一切衆生手足指端輪相莊嚴指節
平滿文相明顯令一切衆生得蓮華色指十
力業報相好莊嚴令一切衆生得光明指放
光明網普照十方諸佛世界令一切衆生得
淨妙指以諸相好具足莊嚴是爲菩薩摩訶
薩指善根迴向衆生令一切衆生心皆清
淨復次菩薩摩訶薩請求法時若有人言汝
能施我連肉爪者當與汝法菩薩答言但與
我法隨汝所須恣意取用如求法王菩薩

切衆生得一切智爪具足莊嚴如來法身皆
悉滿足無障礙力菩薩摩訶薩為求法故為
難得法故能施法者作如是言若能投身七
刃火坑當與汝法菩薩聞此歡喜無量作是
思惟我為法故尚於阿鼻地獄諸惡趣中受
無量苦況入人間微小火坑而得聞法奇哉
正法甚為易得免於地獄無量楚毒入小火
坑而聞正法汝但說法我入火坑如求善法
王菩薩金剛思惟菩薩為法歡喜入火善根
迴向衆生今一切衆生得佛所住一切智法
於無上道堅固不退今一切衆生皆悉除滅
惡趣火坑受如來樂今一切衆生得無畏心

離眾恐怖今一切眾生常樂求法皆得歡喜

佛法莊嚴今一切眾生離諸惡道悉能除滅

三毒熾火今一切眾生悉得快樂成就如來

最勝妙樂今一切眾生得菩薩心悉能除滅

貪恚癡火今一切眾生悉得菩薩諸三昧樂

普見諸佛心朝 竟七九卷大歡喜今一切眾生常聞正法

究竟佛道未曾忘失今一切眾生悉得菩薩

自在諸通快樂究竟具足薩婆若智是為菩

薩摩訶薩為求法故赴火善根迴向眾生今

一切眾生具智慧火遠離一切諸不善業菩

薩摩訶薩為求法故舉身具受無量諸苦為

正法故為黃說王去改建立等薩道改開無

上菩提故具足無上智故修習十力故增廣
一切智心故得無礙智故令一切眾生清淨
故入一切菩薩境界故守護大乘佛菩提故
如求正法菩薩勇健王菩薩如是等無量菩
薩摩訶薩為求法故受無量苦乃至謗正法
人極大惡人惡業障人持魔業人為正法故
代彼惡人具受諸苦菩薩摩訶薩為求法故
代諸眾生受苦善根迴向眾生令一切眾生
離一切苦得安樂利益令一切眾生離諸苦
受成就妙樂令一切眾生永滅苦陰得如電
光樂令一切眾生超出苦獄具足究竟智慧
之行令一切眾生見安隱道離苦惱趣令一

切衆生得法愛樂充滿具足究竟寂滅一切
衆苦令一切衆生發大悲心悉欲濟度一切
苦海令一切衆生得諸佛樂斷生死苦令一
切衆生得無比淨樂其身永離一切苦受令
一切衆生得一切勝樂究竟具足佛無礙樂
是為菩薩摩訶薩為求法故悉受衆苦善根
迴向救護衆生令一切衆生安住薩婆若無
礙解脫菩薩摩訶薩為求法故為法難得故
能捨大地四海國土大小諸城村邑丘聚國
土豐樂人民熾盛園林浴池華菓繁茂如是
種種無量莊嚴天下太平無有怨敵金銀寶
藏妻子眷屬皆悉能捨於不堅固中求堅固

法饒益一切諸衆生故今一切衆生得佛無礙清淨解脫薩婆若道如大勢妙德菩薩勝起王菩薩如是等無量菩薩摩訶薩爲求正法故乃至一句一味五體投地敬禮頂受正念三世諸佛懃求正法於正法中心常欣樂修習諸願求離食法捨離世間帝王自在之法樂求無上法王自在勝法不念不著一切世間以離世法自長養心遠離一切世間惡語寂靜安立諸佛所住菩薩摩訶薩爲求正法以施四天下大地國土所攝善根迴向衆生今一切衆生悉能捨離內外所有今一切衆生能捨一切心無中悔今一切衆生不惜

身命資生之具常求正法令一切眾生悉得
法利斷除無量眾生疑惑令一切眾生常樂
正法於諸佛法得深法愛令一切眾生能捨
身命世間自在樂求佛法大心修習無上菩
提令一切眾生恭敬尊重諸佛正法能捨身
命究竟正法令一切眾生護持佛法修習如
來難得聞法令一切眾生悉得諸佛菩提明
照畢菩薩行不由他悟令一切眾生於諸佛
法而得自在拔出疑刺心常清淨是為菩薩
摩訶薩為求難得法故布施國土善根迴向
令一切眾生知見滿足復次菩薩摩訶薩行
法自在時悉教斷除閻浮提內城邑聚落一

切屠殺二足四足普施無畏離怨敵心修菩
薩行以政治國滅除衆生一切苦難發起一
切衆生安隱心寶具足正直勝妙心寶能自
具足三種戒法亦令衆生具三種戒菩薩摩
訶薩以不殺等五戒善根迴向衆生令一切
衆生得長壽慧具菩提心命根無盡令一切
衆生得無量壽恭敬供養一切諸佛令一切
衆生具足修習離老死法一切衆難不能害
命令一切衆生逮得無量離病苦身命根自
在能隨意住令一切衆生得無盡命盡未來
劫悉具修習菩薩所行調伏化度一切衆生
令一切衆生得淨命門十力善根皆悉來入

今一切衆生善根具足壽命無量諸願成滿
今一切衆生悉見諸佛修習無盡長壽善根
今一切衆生於如來家學諸所學具足成就
無盡命根於聖法中得歡喜心今一切衆生
得無老病不死命根無盡精進安住佛智是
爲菩薩摩訶薩以離殺等五戒善根迴向衆
生今一切衆生安住如來三種淨戒具足究
竟十力智慧菩薩摩訶薩若見衆生殘害不
仁若人若獸毀其男形今身殘闕受諸楚毒
見此苦已起大慈悲而救度之悉令貴樂珍
寶具足菩薩摩訶薩謂惡人言汝爲何利造
此惡業隨汝所湏盡相資給汝今便可捨是

惡業不能正念肆其貪欲害彼自利以求已
樂無有是處如此惡行諸不善法一切如來
所不讚歎菩薩摩訶薩悉能捨離一切所有
令彼衆生不行惡業又爲彼人說微妙法謂
寂靜法長養淨行除滅不善修習慈心不惱
衆生時彼惡人聞此法言即捨惡行修清淨
翻古花業菩薩摩訶薩以慈救善根迴向衆生令一
卷十九切衆生得佛大人陰藏之相令一切衆生具
足男形得丈夫意清淨梵行令一切衆生成
就丈夫無欲之身乘無礙智究竟不退令一
切衆生得大人身永離欲心無所染著令一
切衆生皆悉成就善男子法諸佛讚歎智慧

具足今一切衆生得大人力具足成就十力
善根今一切衆生常得成就男子之形堅固
安住未曾有法今一切衆生於五欲中無著
無縛心得解脫獸離三界修菩薩行今一切
衆生皆得成就第一智人一切信伏皆受道
化今一切衆生成就菩薩丈夫深智究竟一
切大乘佛趣是為菩薩摩訶薩救毀形者善
根迴向今一切衆生皆悉救護諸善男子生
賢聖家智慧具足修習履行男子勝智善能
示現七丈夫趣具足無上丈夫正法常能化
度一切衆生善根迴向今一切衆生得佛清
淨丈夫勝法復次菩薩摩訶薩若有如來出

與於世以大音聲普告一切如來出世如來
出世今一切衆生得聞佛音聞佛音已捨離
自大憍慢放逸得見諸佛堅固安住念佛三
昧修佛境界未曾廢忘恭敬供養一切諸佛
常樂見佛以百千劫難值遇故廣爲衆生說
佛難遇衆生聞已常欲樂見一切諸佛心大
歡喜恭敬供養尊重讚歎於如來所聞諸佛
名於無量佛所種諸善根修習增長無量衆
生因如來故悉皆清淨無量衆生因如來故
悉淨調伏彼諸衆生於菩薩所生善知識心
因菩薩故諸衆生等悉具佛法彼諸衆生無
量劫中所修善根悉作佛事菩薩摩訶薩以

歎佛善根迴向衆生今一切衆生常見諸佛
初不失時如應受化今佛歡喜今一切衆生
常樂見佛未曾廢忘今一切衆生修習智慧
能持一切諸佛法藏今一切衆生不離佛法
於無量劫修菩薩行常聞正法今一切衆生
得不忘念悉持一切諸如來智今一切衆生
不念異業正念諸佛修習十力今一切衆生
隨方見佛盡虛空界一切如來悉得奉見今
一切衆生得佛身自在於一切世界現成佛
道今一切衆生於善知識所聞佛正法於諸
如來得不壞信今一切衆生讚佛出世皆悉
不虛化度衆生普令清淨是爲菩薩摩訶薩

朝占花卷十七

歎佛出世善根迴向令一切衆生悉見諸佛
如應受化於無上道一切佛法究竟清淨復
次菩薩摩訶薩布施大地或布施佛起立殿
堂或施菩薩及善知識隨音所用或施聖僧
造立坊舍或奉父母興建屋宅或施餘人聲
聞緣覺一切福田諸乞求者或施四衆隨意
受用令無所乏或奉如來造立塔廟如是等
施隨彼受用悉離怨敵一切恐怖菩薩摩訶
薩以施大地善根迴向令一切衆生得薩婆
若清淨佛地究竟得到普賢菩薩所行彼岸
今一切衆生得大地陀羅尼離癡正念悉能
受持諸佛妙法令一切衆生持一切法守護

佛法令一切衆生得大地等心於衆生所清
淨正直不生惡念令一切衆生持佛族姓不
斷佛種次第成立一切菩薩諸地善根令一
切衆生普爲一切作安隱依悉令調伏成就
清淨令一切衆生與如來等饒益衆生安立
佛力令一切衆生悉爲一切之所愛樂安住
諸佛所愛樂處令一切衆生堅固安住如來
諸力無畏法中令一切衆生得薩婆若地於
諸佛法自在究竟是爲菩薩摩訶薩布施大
地善根迴向令一切衆生界究竟如來清淨
道地復次菩薩摩訶薩布施僮僕或奉諸佛
菩薩善知識爲欲增長如來法故或施曾寶或

奉給父母尊重福田或復給施諸病瘦者全
濟其命一切貧窮諸乞求者皆悉施與或施
塔廟供給灑掃若有人能書寫佛經為護法
故以無量億僮僕淨人給其使令此諸給使
皆悉聰達明了黠慧柔軟調伏常勤精進未
曾懈怠成正直心饒益心安樂心慈心離怨
敵心明此諸僮僕百七十五以如是心奉給於彼菩薩摩
訶薩隨彼受者方俗所宜才能伎術以此僮
僕而施與之悉是菩薩淨業所起能令僮僕
悅可彼意菩薩摩訶薩以施僮僕善根迴向
令一切衆生得調伏心奉給諸佛修習善根
令一切衆生隨順奉給一切諸佛悉能聞持

諸佛所說令一切衆生隨意自在進觀如來
常修正念無餘惡心令一切衆生紹繼佛種
隨順如來所攝善根令一切衆生奉給如來
常不失時所見諸佛皆悉不虛令一切衆生
悉攝一切諸佛妙義言辭清淨遊行無畏令
一切衆生悉覩諸佛樂觀無厭於諸如來不
惜身命令一切衆生得見諸佛心無染著離
世所依令一切衆生依止諸佛遠離一切世
間吉祥令一切衆生隨順佛趣一向樂求無
上菩提是爲菩薩摩訶薩布施僮僕善根迴
向令一切衆生永離垢染得佛淨地如來法
身自在無礙菩薩摩訶薩以身布施爲給使

時捨離憍慢謙下心給使心如大地心忍一
切苦心供給一切無厭足心無懈怠心與一
切貧賤衆生諸善根心一切尊貴富樂乃至
童蒙愚小皆悉恭敬供養心堅固安住最勝
法門正念修習一切善根心菩薩摩訶薩以
身布施善根迴向令一切衆生僮僕無怨

菩薩行心不退轉未曾違失菩薩正義一心
專求菩薩之道了達菩薩平等正法得在如
來種姓之數修真實法增菩薩行令諸世間
得淨佛法深心解脫究竟菩提令一切衆生
增長清淨勝大善根令一切衆生向大功德
究竟一切智菩薩摩訶薩復作是念以身供

給所攝善根今一切衆生善能給侍一切諸
佛其心調柔常聞正法受持法守護法不忘
法不壞法不選擇法不離法善調伏法善能
調伏不調伏法調伏寂滅法令彼衆生於諸
佛所善能隨順以隨順功德今一切衆生作
第一塔悉能堪受衆生供養今一切衆生作
第一福田自然正覺無上菩提今一切衆生
作最勝福田普能饒益一切衆生今一切衆
生悉作殊勝功德義藏皆能窮盡善根原底
今一切衆生作淨妙福田悉能出生果報無
量今一切衆生得勝出道悉能超出一切世
間今一切衆生作第一調御隨其所應悉能

示導令一切衆生得最勝陀羅尼悉能受持
諸如來法令一切衆生逮得無量最勝法界
具足虛空無礙正道是爲菩薩摩訶薩布施
己身善根迴向令一切衆生逮得如來應供
智身菩薩摩訶薩悉得法愛清淨喜心能以
自身普覆諸佛常樂修習無上法寶於諸佛
所生父母心欲得究竟無礙道法成就無數
那由他智慧妙寶諸善根門於諸如來無量
法門正念不忘深解如來諸境界義能以如
來微密梵音普雨一切諸佛法雨如來法雲
遍覆一切而無所畏能分別說一切智人地
具足究竟薩婆若乘以無量無邊大法成滿
諸根菩薩摩訶薩於諸佛所聞甚深法歡喜
無量修習正道自能除滅一切疑惑又令衆

諸根菩薩摩訶薩於諸佛所聞甚深法歡喜
無量修習正道自能除滅一切疑惑又令眾
生歡喜無量疑網悉除功德成滿善根具足
修習無量法門普行大願饒益眾生安住不
動金剛藏智正心專求無上菩提悉能嚴淨
一切佛刹恭敬親近無量如來菩薩摩訶薩

安住此法自身普覆一切諸佛以此善根迴
向眾生令一切眾生妙身具足悉能普覆一
切諸佛令一切眾生依如來住常見諸佛未
曾遠離令一切眾生得最勝身具足一切功
德智慧令一切眾生行離有梵行能令一切
諸佛歡喜令一切眾生得無我所身於我我

所心無所著今一切衆生悉能分身遍一切
刹於諸世界而無來去今一切衆生得自在
身離我我所自在遊方今一切衆生出生佛
身處在如來無上身家今一切衆生得法力
身安住法座忍力成就心不可壞今一切衆
生得無比身具足如來清淨法身今一切衆
生得出世間功德之身於空法界而得出生
是爲菩薩摩訶薩自身覆佛所攝善根迴向
衆生今一切衆生成三世佛勝妙功德菩薩
摩訶薩以身布施一切衆生時作如是念今
一切衆生成就善根今一切衆生常念善根
今一切衆生能爲明燈今一切衆生安隱樂

住今一切衆生得法藏腹悉能含受一切衆
生今一切衆生作世間明滅除衆闇今一切
衆生悉作一切善根因緣爲善知識展轉相
成開示正道得無上樂今一切衆生作明淨
日菩薩摩訶薩以身布施一切衆生所攝善
根迴向衆生今一切衆生究竟諸佛智慧道
地今一切衆生隨順正道悉今究竟無上菩
提今一切衆生常處佛會悉受正化今一切
衆生威儀具足成就諸佛清淨威儀今一切
衆生悉得涅槃深解法義今一切衆生悉得
勝法而無厭足常遇勝法生如來家今一切
衆生捨世惴望逮得如來真實稀望今一切

衆生坐菩提樹出生無量清淨善根令一切
衆生摧滅一切煩惱怨敵發無害心令一切
衆生得無畏法悉能護持一切佛法是爲菩
薩摩訶薩布施自身善根迴向令一切衆生
饒益安隱得無上法菩薩摩訶薩自以己身
奉給諸佛於一切如來主報忍心主父母心
於諸佛所生清淨深心以明淨心受持菩提
得諸佛法捨世間法生如來家隨順諸佛守
護自法遠離一切衆魔境界修佛境界自以
己身成就一切諸佛法器菩薩摩訶薩修如
是法自身奉給一切諸佛所攝善根迴向衆
生令一切衆生安住淨心一切智寶而自莊

嚴令一切衆生得調伏衆生與其同事遠離
一切諸不善業今一切衆生得不壞眷屬悉
能攝持諸佛正法今一切衆生悉爲如來清
淨弟子成就灌頂菩薩之地今一切衆生悉
爲諸佛之所攝護遠離一切諸惡知識今一
切衆生隨順諸佛修習最勝生地菩薩法行
今一切衆生入佛境界悉皆得受一切智記
今一切衆生與如來等於諸佛法而得自在
今一切衆生悉爲諸佛之所攝取行無著業
今一切衆生悉爲諸佛第一侍者智慧具足
悅可諸佛是爲菩薩摩訶薩身奉事佛善根
迴向無上菩提迴向救護一切衆生迴向衆

生超出三界迴向自心悉令清淨迴向無量
廣大菩提迴向諸佛照明智慧迴向己身為
佛所攝迴向受持一切佛法迴向樂求一切
佛法迴向善根悉與三世諸如來等迴向清
涼心得一切佛法菩薩摩訶薩布施國土時
捨世帝王自在之心無著無縛不來自在遠
離惡業普於衆生悉起饒益安樂之心菩薩
摩訶薩以施國土善根迴向令一切衆生遠
離愚癡明識業報令一切衆生不樂世法令
一切衆生不著一切世間生處令一切衆生
不取世界堅固之相令一切衆生心不染著
陰界諸入令一切衆生心不染著我我所法令

一切衆生心不忘失諸菩薩行令一切衆生
未曾捨離諸善知識令一切衆生能悉受持
菩薩願行令一切衆生諸善知識皆悉歡喜
菩薩摩訶薩以施國土善根迴向令一切衆
生得法王處於自在法得到彼岸令一切衆
生得法王法調伏一切結王怨敵令一切衆生
與法王同止讚歎佛法如來智慧令一切衆
生住佛境界法王之家能自在轉無上法輪
令一切衆生出生如來巧妙方便得法自在
護持佛法永使不絕令一切衆生護持無量
法王正法皆悉成就勝大菩薩令一切衆生
於淨法界得爲法王出興於世相續不絕令

一切衆生於諸世界作智慧王調伏成就一
切衆生令一切衆生普爲法界虛空界等世
界衆生作法施主建立一切諸衆生界於摩
訶衍令一切衆生得法王法與三世佛善根
齊等是爲菩薩摩訶薩布施王位善根迴向
令一切衆生皆悉究竟安隱之處菩薩摩訶
薩見有人來乞王京都嚴飾大城以歡喜心
施不亂心施一向正求菩提心施無量願心
施大慈心施大悲心施清涼心施爲利一切衆
生故施自安立摩訶衍故施以諸佛法平等
心施行善法心施欲一切智王心施求法王
自在意故施欲增上智慧心故施欲一切清淨

功德心施堅固廣大心施長養一切善根故
施遠離衆魔恐怖具足佛智故施安住菩薩
心力故施究竟一切境界一切智菩薩所行
及諸大願故施菩薩摩訶薩布施京都嚴飾
大城所攝善根迴向衆生今一切衆生淨一
切刹施佛今住今一切衆生常樂阿蘭若處
安住寂靜今一切衆生不著一切國土都邑
聚落大小諸城究竟離欲得上寂靜今一切
衆生心不親近一切世間悉皆永離世間語
言今一切衆生得離欲心布施所有心不中
悔今一切衆生不著家業得淨直心今一切
衆生悉捨一切無所縛著善施成就今一切

衆生不著住處捨離一切居家貪著今一切
衆生捨諸苦惱除滅一切恐怖憂感今一切
衆生以一切世界為嚴淨刹奉施諸佛是為
菩薩摩訶薩布施京都嚴飾大城善根迴向
今一切衆生嚴淨佛住菩薩摩訶薩布施寶
女侍人眷屬伎術悉備才能巧妙善於言談

威儀具足奉給恭順能感人心世間功德無
不備舉莊嚴綺麗迴動天人言音和雅而無
麁陋侍主盡禮不失其意姿容殊妙見者無
厭千億伎直供侍寶女皆是菩薩淨業果報
而用布施以無著心施離虛妄心施不縛一
切欲施於一切色無所著施不貪欲樂施離

欲覺觀施於寶女形色不生想施菩薩摩訶
薩布施寶女眷屬善根迴向迴向一切衆生
出離生死迴向悉得諸佛喜樂迴向不堅固
中而得堅固迴向金剛界智不可壞心迴向
如來圓滿大衆迴向攝取堅固真實迴向無
上菩提之心迴向智慧分別諸法迴向出生
一切善根迴向不違三世佛教菩薩摩訶薩
住如是法生如來家出生一切智道深入一
切菩薩智業捨離一切世間塵垢調伏實心
功德圓滿無上福田廣說妙法安立衆生令
一切衆生皆悉清淨修習攝取一切善根善
薩摩訶薩布施寶女眷屬所攝善根迴向衆

生令一切衆生逮得無量三昧眷屬又得菩
薩不壞三昧令一切衆生悉入諸佛莊嚴三
昧常樂觀佛令一切衆生悉行菩薩不可思
議自在遊戲三昧安住無量自在三昧令一
切衆生入如實三昧不壞其心令一切衆生
悉得菩薩甚深三昧於一切三昧皆得自在
令一切衆生皆悉成就三昧眷屬心得解脫
令一切衆生善能分別種種三昧悉能善取
諸三昧相令一切衆生得勝智三昧修習一
切諸三昧門令一切衆生得無礙三昧能決
定入不壞正受令一切衆生得無著三昧心
常念行不二三昧令一切衆生得不可壞三昧清

淨眷屬菩薩眷屬令一切衆生普發清淨菩
提之心滿足佛法令一切衆生薩婆若力清
淨滿足得無上智令一切衆生得隨順眷屬
悉與衆生同意安住令一切衆生悉得滿足
一切智功德成就一切勝妙善根令一切衆
生得真實眷屬成就如來清淨法身令一切
衆生成就諸辯無縛無著廣說諸佛無盡法
截令一切衆生各為一切作善知識成就一
切勝妙善根令一切衆生淨業滿足成就一
切諸清淨法令一切衆生滿足諸佛淨妙法
門以諸淨法莊嚴世間是為菩薩摩訶薩布
施寶女眷屬善根迴向

復次菩薩摩訶薩布施妻妾男女如須達拏
太子現莊嚴王菩薩如是等無量菩薩摩訶
薩乘薩婆若乘行一切施具足成滿檀波羅
蜜嚴淨菩薩布施之道長養清淨不悔施心
入一切施寶薩婆若心今一切衆生皆悉清
淨具正直心具足清淨正直心已一切菩提
皆悉滿足志常樂求菩薩淨道受持諸佛菩
提願門修習一切如來家心如是一切菩薩摩訶
薩意力成就求如來處自知已身係屬一切
不得自在隨彼走使普於衆生行一切施於
未滿足者悉令滿足護持安慰一切衆生欲
令自身普爲世間作第一塔令一切衆生皆

悉歡喜欲於一切具平等心欲為世間作清涼池欲為世間作施樂主欲為一切作大施主智慧為首習菩薩行如說修行欲成一切種智大誓莊嚴欲常專求智慧福田悉請衆生長養善根建立己身崇順正教普為一切作智慧明正念菩薩一切施心一切諸佛常現在前菩薩摩訶薩以布施妻妾男女所攝善根無著無縛解脫心迴向衆生今一切衆生普出無量變化之身充滿十方一切世界轉不退法輪安立一切衆生於無上道今一切衆生不貪著身諸願具足悉詣十方諸佛世界今一切衆生得離憎愛心斷愛恚結今

一切衆生爲佛眞子行如來家令一切衆生
於諸佛所生自己心不可沮壞令一切衆生
常爲佛子從法化生令一切衆生得正希望
成薩婆若令一切衆生修習善根究竟具足
無上菩提令一切衆生成就諸佛菩提解脫
施無上法令一切衆生得無生心不壞因緣

令一切衆生坐菩提樹得最正覺成無上道
化生無量眞法男女是爲菩薩摩訶薩布施
妻妾男女善根迴向令一切衆生得無著解
脫無礙智慧菩薩摩訶薩見有人來從乞家
者以家莊嚴具具足莊嚴而布施之修習威
儀於家無著遠離居家一切覺觀厭惡家業

資生之具於家珍妙翫好之物不生貪心無
所味著於家衆具無染縛心解家磨滅須臾
變易出家求道究竟佛法安住菩薩住佛法
莊嚴心能捨一切而不中悔常爲諸佛之所
稱歎於資生物一切住處心無染著見來求
者歡喜無量能決定施菩薩摩訶薩以家布
施所攝善根如是迴向衆生令一切衆生捨
離妻子常樂出家令一切衆生信家非家捨
家求道於佛法中淨修梵行令一切衆生樂
一切施心不中退安住離慳令一切衆生永
離家法少欲知足無所藏積令一切衆生不
樂俗家常樂佛家令一切衆生悉皆永離障

礙之法滅除一切諸障礙道令一切衆生不
染家屬雖現在家心無所著令一切衆生善
化一切雖現在家說正覺智令一切衆生示
現在家住佛所住心常隨順如來智慧令一
切衆生在家悉能悅喜衆生住佛所住是爲
菩薩摩訶薩以施家善根迴向令一切衆生
悉行菩薩種種諸行滿足諸願智慧自在

十五止

大方廣佛華嚴經卷第十九

朝

暑有

